



# basic education

---

Department:  
Basic Education  
**REPUBLIC OF SOUTH AFRICA**

## SENIOR CERTIFICATE EXAMINATIONS

**SISWATI LULWIMI LWASEKHAYA (HL)**

**LIPHEPHA LESIBILI (P2)**

**2016**

**IMEMORANDAMU**

**EMAMAKI: 80**

**Leliphepha linemakhasi a-20.**

**TICONDZISO TEKUMAKA**

1. Nangabe umhlolwa aphenzvule imibuto lengetulu kwaleyo lelindzelekile, maka timphendvulo letisekucaleni kuphela. (**Umhlolwa akumelanga aphenzvule indzabambhalo kanye nemibuto lemifisha encwazini yinye.**)
2. Esigabeni A, nangabe umhlolwa aphenzvule ngato tonkhe totine tinkondlo (Tinkondlo letifundvwe eklasini), maka letimbili tekucala kuphela.
3. Esigabeni B na C (Lulwimi Lwasekhaya), nangabe umhlolwa aphenzvule imibuto lemibili kulemifisha nobe imibuto lemibili yetindzabambhalo, maka imphendvulo yekucala kuphela uyekele lelandzelako. Nangabe umhlolwa aphenzvule yomine imibuto, maka kuphela imphendvulo yembuto wekucala kuleso naleso SIGABA, ngaphandle kwekutsi uphendvule munye umbuto lonemibuto lemifisha namunye umbuto wenzabambhalo.
4. Nangabe umhlolwa anike timphendvulo letimbili lapho imphendvulo yekucala iliphutsa kantsi lena yesibili iliciniso, akumakwe imphendvulo yekucala yesibili ingamakwa.
5. Nangabe tinombolo tetimphendvulo tinemaphutsa, maka ulandzele memorandamu.
6. Nangabe liphutsa lesipelingi litsikameta inshokutsi, akunganikwa limaki, kantsi nangabe inshokutsi ayitsikameteki, akunikwe limaki.
7. Umbuto wenzabambhalo: Nangabe indzabambhalo inemagama langaphasi kwalawo lemisiwe, umhlolwa akangajeziswa ngobe vele sewutijezise yena ngekwakhe. Nangabe indzabambhalo iyindze kakhulu, akahlolwe ngekwelikhono lakhe bese kucociswana nalabaphetse umsebenti wekumaka. **Akusetjentiswe irubhrikiyekumaka indzabambhalo** lesesichibiyelweni A na B
8. Imibuto lemifisha: Nangabe umhlolwa angakafaki bokhulumile nangabe kufanele acaphune **akangajeziswa**.
9. **Emibutweni levulekile** bahlolwa abanganikwa emamaki nangabe baphendvule ngetimphendvulo letitsi: YEBO/CHA nobe NGIYAVUMA/ANGIVUMI. Onkhe emamaki anikwa sizatfu/kuchaza ngalokugcwele/kwesekela/kucaphuna.
10. Emibutweni lefuna LICINISO/LIPHUTSA nobe LIPHUZU/UMBONO emamaki akangehlukani emkhatsini, lokusho kutsi alikho limaki lelinikwa LICINISO/LIPHUTSA nobe LIPHUZU/UMBONO, onkhe emamaki anikwa sizatfu/kuchaza ngalokugcwele/kwesekela/kucaphuna.

**SIGABA A: TINKONDLO****TINKONDLO LETIFUNDVWE EKLASINI****UMBUTO 1 (UMBUTO LOYINDZATJANAMBHALO)****'NCAMUL' EMAVE' – SR Mdluli****INDZATJANAMBHALO**

Sakhiwo sendzatjanambhalo kumele sivete *singeniso, umtimba nesiphetfo*.

***Kuphumelela kwasonkondlo ekusebentiseni sifanisongco/ sinongo sesifanisongco.***

Sakhiwo sendzatjanambhalo kumele sivete *singeniso, umtimba nesiphetfo*.

**SINGENISO:**

Bahlolwa bachaza sihloko. Kuvetwa ngalokufisha kutsi siyini sifanisongco, banike netibonelo tesifanisongco. Sib. Intfo lenhle kakhulu ngekutsi 'simomondiya', njll.

**UMTIMBA:**

Kuchazwa kabanti ngaloko lokubaliwe enkondlweni lokugcamisa kusetjentiswa kwesifanisongco kulenkondlo. Bahlolwa bangahle bavete lamaphuzu lalandzelako: Sib.

Kubita imoti yakhe ngalamagama lalandzelako:

- Ncamul' emave: Kuhamba tindzawo letinyenti naletikhashane sonkondlo ukubona kukuncamula emave.
- Lomagadvula: Litubane legijima ngalo, sonkondlo ukubona kufana nekugadvula kwelihashi.
- Tintsaba tiyamededela: Kusala ngemuva kwetintsaba nayengca lemoti, sonkondlo ukubona kukuyidedela tiyivulele indlela.
- Sikhikhikhi: Emandla lenawo, sonkondlo uyibona isikhikhikhi.
- Sishingishane: Indlela leshesha ngayo, sonkondlo ubona lemoti isishingishane.
- Simomondiya: Buhle balemoti sonkondlo ububona bubuhle besimomondiya.
- **Silwane: Indlela lenta tintfo ngayo, imenta ahlonipeke nobe esatjwe njengesilwane.**
- **Lilanga: Buhle balemoti sonkondlo ububona bubuhle belilanga.**

Labatsi akakaphumeleli batawesekela ngetizatfu banike netibonelo labatitsetse enkondlweni.

(Naletinye tifanisongco letisetjentiswe kulenkondlo letingakabalwa lapha ngenhla temukelekile).

**SIPHETFO:**

Bahlolwa basonga konkhe lebebakhuluma ngako etindzatjanenimbhalo tabo. Baphawula ngekuphumelela nobe kwehluleka kwasonkondlo kusebentisa sifanisongco/sinongo sesifanisongco kwendlulisa lomlayeto walenkondlo yakhe.

**BONA EMARUBHRIKI EKUMAKWA KWENDZATJANAMBHALO YETINKONDLO SICHIBIYELO A.****[10]**

**UMBUTO 2 (IMIBUTO LEMIFISHA)****'NTFOMBI YETIMANGA' – SR Mdluli**

- 2.1 Sotilwimilwimi ntsandvose wababe. (1)
- 2.2 Luchumanosigcino. (1)
- 2.3 Ungumaphikelela wetimanga ntfombi yetimanga. (1)
- 2.4 Kucitsa situnge/Kutijabulisa/Kukhaliphisa tingcondvo/Kubenta bahlaliseke bavikeleke ekutfoleni tifo/Kutfufukisa emakhono abo elulwimi/Kwengeta lwati lwabo/Kubenta baphephe ekusebentiseni tidzakamiva, njll. (Naleminye imibono lenembako yemukelekile.) (Kunye kwaloku.) (1)
- 2.5 Lemigca isho kutsi konakala kwamabonakhashane kutawusita kutsi umsebenti wesikolo wentiwe. (Naleminye imibono yemukelekile.) (2)
- 2.6 Intfombi ngumuntfu lomsikati losakhula futsi lotsandzekako, itsandvwa nguwo wonkhe umuntfu/Intfombi isibani selive. (Naleminye imibono lenembako yemukelekile.) (2)
- 2.7 Imibono itawehluka. Labatsi kuliciniso batawesekela ngekutsi bantfu labangasebenti, labanabomabonakhashane, babukela konkhe lokwenteka kumabonakhashane imini yonkhe, kulesinye sikhatsi nasebusuku. (Naleminye imibono lenembako yemukelekile.)  
Labangavumelani nawo batawesekela ngekutsi: linyenti lebantfu livuka liye emsebentini, bokhewane baye etinkhulisa, lokwenta kutsi mabonakhashane abukelwe nakubuywa emsebentini nasesikolweni nabacedza kwenta imisetjentana yasekhaya nemisebenti yesikolo. (Naleminye imibono lenembako yemukelekile.) (2)

**[10]**

**UMBUTO 3 (IMIBUTO LEMIFISHA)****'IMFIHLO YETIMFIHLO' – JJ Ncongwane**

- 3.1 Uyembulek' utuse kube lusizi- (1)
- 3.2 Letetfweswa labakwatiko (1)
- 3.3 Sinongo lesiyindida/Imphindza/Sicatsaniso.  
(Kunye kwaloku.) (1)
- 3.4 Kusemshadweni/Kungalesikhatsi kushadwa/Emendvweni/Emtsimbeni.  
(Kunye kwaloku.) (1)
- 3.5 Yisathaya, igceka kufa/Igceka bubi lobentiwa kufa. (2)
- 3.6 Bantfu bangabaleka bangafuni kutsi kufa kubatfole/Labangakholwa bangalungisa tindlela tabo kuze kutsi nabafa baye eZulwini/Liningi lebantfu ngeke lingcwatjwe ngobe lingatiwa lapho lafela khona/Bantfu bangamosha timali nemafa kuze kutsi nabafa bangashiyi lutfo/Bangagcina banuka ngekuhlala emahlatsini bangagezi/Bangagcina baphambana tingcondvo, njll.  
(Naleminye imibono lenembako yemukelekile.) (Kubili kwaloku.) (2)
- 3.7 Imibono itawehluka. Labavumelana nako batawesekela ngekutsi: bantfu bayangcwatjwa, ummango awati kutsi kwentekani emva kwekungcwatjwa/imfihlo yemhlaba kufa, kuliciniso kutsi umhlaba unemfihlo lekufa, njll.  
(Naleminye imibono lenembako yemukelekile.)  
Labangavumelani nako batawesekela ngekutsi: bososayensi bayakhona kwenta lucwaningo basho lokwenteka kulabafile, njll. (Naleminye imibono lenembako yemukelekile.) (2)

**[10]****UMBUTO 4 (IMIBUTO LEMIFISHA)****'YINAKEKELE!' – SR Mdluli**

- 4.1 Liyakhukhumuka. (1)
- 4.2 Intfuntfu ibhunya emishinini nasemafemini. (1)
- 4.3 Kulahlwa emaphepha, emabhodlela netikotela yonkhe indzawo/Imililo leshiswako netifutsi kubhunyisa intfutfu lengcolisa umoya/emafemu acitsela butsi emantini/tibi tiyekelwa tize tibe yintsaba/yindvundvuma, njll.  
(Naleminye imibono lenembako yemukelekile.) (Kunye kwaloku.) (1)
- 4.4 Silinganisamcondvo/Kucatsaniswa kwemcondvo lophikako. (1)
- 4.5 Uchaza kutsi letibi letingaka, letingapheli akakatetayeli futsi tiyammangalisa. (2)

- 4.6 Budlelwane bekutsi kokubili kuphatselene nekukhatsalela imvelo, sihloko sithi ayinakekelwe kantsi lomugca utsi ayongiwe/Kunakekela kusho konga. (Naleminye imibono lenembako yemukelekile.) (Kunye kwaloku.) (2)
- 4.7 Imibono itawehluka: Labatsi uphumelele batawesekela ngekutsi: umuntfu utelwe imvelo ikhona, nalabahambako bayishiya ikhona, ngaloko, ayipheleli iyohlala ikhona situkulwane nesitukulwane. Labatsi akakaphumeleli nabo batawesekela. (Naleminye imibono lenembako yemukelekile.) (2)

[10]

**NA****INKONDLO LENGAKAFUNDVWA EKLASINI****UMBUTO 5 (IMIBUTO LEMIFISHA)****'DUMAZILE' – MJ Masilela**

- 5.1 Imphilo yekweswela indilinga. (1)
- 5.2 Uvundlisa lutsi lwakho. (1)
- 5.3 Sidvonsamoya/Imphindvwa/**Imphindza**. (Kunye kwaloku.) (1)
- 5.4 Live lisuke lifana yonkhe indzawo/Lokwentekako kusuke kwenteka ngalokufanako yonkhe indzawo. (Naleminye imibono lenembako yemukelekile.) (Kunye kwaloku.) (1)
- 5.5 Wentive kutsi ufuna kugcizelela abuye agcamise imphilo yasonkondlo lebeseyimatima ngobe besekuphele umsebenti kungasenamali/Ugcizelela bulukhuni bemphilo ayifanise nentfo lengenteki nanini. (Naleminye imibono lenembako yemukelekile.) (2)
- 5.6 Bekafuna kugcizelela nekuvakalisa kudvumala kwakhe ngekugucukelwa nguDumazile labemtsandza, ahambe amshiye ahlupheka. (Naleminye imibono lenembako yemukelekile.) (2)
- 5.7 Imibono itawehluka. Labatsi uphumelele batawesekela ngekutsi lenkondlo ikhuluma ngaDumazile netintfo latentile kusukela ekucaleni kuze kube sekugcineni/Lenkondlo ikhuluma ngetintfo letidvumatako letentiwa nguDumazile kusonkondlo kusukela ekucaleni kuze kube sekugcineni. (Naleminye imibono lenembako yemukelekile.) Labatsi akakaphumeleli batawesekela ngekutsi: Sonkondlo abengayetsa inkondlo yakhe ngendlela lejulile angadzaluli kutsi ucondzise kuDumazile, umuntfu lomsikati, njll. (Naleminye imibono lenembako yemukelekile.) (2)

[10]

**SAMBA SESIGABA A: 30**

**SIGABA B: INOVELI****UMBUTO 6 (UMBUTO LOYINDZABAMBHALO)****LIPHUME NEBOVU – BB Malangwane**

Sakhiwo sendzabambhalo kumele sivete *singeniso, umtimba nesiphetfo*.

*Tigameko letifakazela kutsi indlela leya emphumelelweni imatima.*

**SINGENISO:**

Bahlolwa bachaza sihloko naloko labatawucoca ngako etindzabenimbhalo tabo lokutigameko letifakazela kutsi indlela leya emphumelelweni imatima, babhekise kuLaMagagula. Bahlolwa baveta ngalokufisha loko labatawukhuluma ngako emitimbeni yetindzabambhalo tabo.

**UMTIMBA**

Kulesigaba sendzabambhalo bahlolwa kulindzeleke kutsi bavete kabanti tigameko letimatima LaMagagula lahlangabetana nato nekuphumelela kwakhe ekugcineni kwalenoveli:

**Bumatima LaMagagula lahlangabetana nabo.**

- Bumatima bekushiywa nguLushawulo ngoba asaganwe nguTintfombi.
- Inhlupheko yekondlana nebantfwana labangasanakwa nguyise wabo.
- Kubandlululwa nguninatale LaHlophe ngobe sekaneligugu laTintfombi.
- Kwetfweswa umtfwalo wekutsi akhe indlu yaTintfombi abe Tintfombi aphila.
- Kushonelwa bantfwabakhe babulawa nguTintfombi.
- **Kushiyelwa emapulango ekubetsela libhokisi lekungcwaba umntfwanakhe.**
- Kubukana nebumatima bekwetfwala umngcwabo ayedwa Lushawulo angafuni kutewungcwaba indvodzana yakhe.
- Kuloyiswa kwaLaMagagula nguTintfombi.
- Kugulelwa nguninatale ehle enyuka, Lushawulo angayingeni.
- Kubukana nemngcwabo weninatale ayedwa, Lushawulo angayingeni.
- Kugula kwakhe kamatima atsakatfwa nguTintfombi, njll.

**Kuphumelela kwakhe:**

- Kuhlanteka kweligama laLaMagagula ekunukweni nguTintfombi.
- Kubuyisana kwaLaMagagula naLushawulo emva kwekushaywa kwaTintfombi emkhayeni.
- Kuphela kwenhlupheko kuLaMagagula emva kwekucoshwa kwaTintfombi kaKhumalo.
- Kuphumula kwaLaMagagula kuphila imphilo yasesitsenjini.  
(Naleminye imibono lengakabalwa lapha).

**SIPHETFO SENDZABAMBHALO:**

Kulesigaba sendzabambhalo bahlolwa basonga konkhe lebebacoca ngako lapha ngenhla, basho nekutsi ngabe tiyabonakala nobe atibonakali tigameko letifakazela kutsi indlela leya emphumelelweni imatima kulenoveli.

**CAPHELA:** Bahlolwa kumele bacaphune tigameko letisencwadzini letesekela imibono yabo.

**BONA EMARUBHRIKI EKUMAKWA KWENDZABAMBHALO, SICHIBIYELO B na C**

**[25]**

**UMBUTO 7 (IMIBUTO LEMIFISHA)****LIPHUME NEBOVU – BB Malangwane**

- 7.1 Besekulula kuya ekhaya ngobe bekehla njalo ngaboMgcibelo aze abuyele emuva ngeMsombuluko/Bekulula kutsi bafati bakhe baye bayewumgezela timphahla/Bekuba lula kutsi kutfunywe bantfwana nangabe kudzingekile. (Kubili kwaloku.) (2)
- 7.2 Lushawulo washiya LaMagagula wayohlala naTintfombi eJozi/Lushawulo wakhona kwemukela Tintfombi nanobe aphingile watfola umntfwana wangaphandle/Lushawulo wayalela LaMagagula kutsi akhele Tintfombi indlu abe anetandla totimbili, njll. (Naleminywe imibono lenembako yemukelekile.) (Kunye kwaloku.) (2)
- 7.3 Kwabangelwa kutsi njengobe lapha ahlala khona kutfolakele insangu, kungenteka nasekhaya batayitfola/Kwabangelwa kutsi njengobe lapha ahlala khona kutfolakele mankantjane, kungenteka nasekhaya batamtfola. (Naleminywe imibono lenembako yemukelekile.) (2)
- 7.4 Lushawulo watsi nanobe ehlulekile kuya emngcwabeni wemntfwanakhe ekhaya, wakhona kutfumela emapulango ekwakha libhokisi lemngcwabo nelisaka letinkhwa. (Naleminywe imibono lenembako yemukelekile.) (2)
- 7.5 Abefanele ngobe unele waganwa nguTintfombi Lushawulo, simo santjintja ekhaya wangasawondli umndeni wakhe/Lushawulo abengasabuyi ekhaya asahlala naTintfombi esilungwini/Tintfombi watsatsela LaMagagula indvodza/Kuvamile kutsi bafati labendze esitsenjini bangatsandzani njengobe LaMagagula enta nje, njll. (Naleminywe imibono lenembako yemukelekile.) (Kunye kwaloku.) (2)
- 7.6 Lamagama aveta Lushawulo angubabe longuvilakhe, longafuni kuva luvo lwalabanye/Nguye lotsatsa tincumo emtini wakhe futsi kugcina yena. (Naleminywe imibono lenembako yemukelekile.) (Kunye kwaloku.) (2)
- 7.7 Hulumende bakaKhumalo bekatabasita ngekubakhela indlu yamahhala i-RDP/LaMagagula bekatawuhola imali yesondlo sebantfwana/LaMagagula bekatawutfolela nemaphasela ekudla kwamahhala/Bantfwana bebatawufundza babuye badle mahhala etikolweni/bekatababonelela ngekwekugcoka, njll. (Naleminywe imibono lenembako yemukelekile.) (Kubili kwaloku.) (2)
- 7.8 Inkelebhe iveta kutsi lendzaba yenteka endzaweni yasemakhaya lesengakatfufuki/Kusete timpompi tekukha emanti ngobe emanti asakhiwa etinkelebheni/Kufuyiwe ngobe enkelebheni banatsa netinkhomo letaholela ekumiteni kwemntfwana waLaMagagula. (Naleminywe imibono lenembako yemukelekile.) (Kubili kwaloku.) (2)



- 7.9 Imibono itawehluka, ifake ekhatsi lena lelandzelako:
- Wamfola ngekutsi aye matfupha Ejozi ayofuna Lushawulo.
  - Weva ngemahemuhemu kutsi Lushawulo uye Ejozi.
  - Watfola luhala ngetihlobo nebangani baLushawulo kutsi useJozi.
  - Kungenteka Lushawulo wambhalela incwadzi lenelikheli laseJozi.
  - Kungenteka bashayelana tincingo, njll.
- (Naleminye imibono lenembako yemukelekile.) (Kunye kwaloku.) (2)
- 7.10 Lushawulo wabona ngekutsi bantfwana bakhe bachubeke bafe butsaputsaphu nanobe unina lebekucatjangwa kutsi ungumtsakatsi sekashonile/Lushawulo wabona ngekutsi Tintfombi angayi kuyewuvusela LaMagagula emva kwekubuya kwakhe esibhedlela/Bekatjelwa natinyanga nebahlofidi labekabahambela kutsi sisusa saletigigaba nguTintfombi/Bangani bakhe labameluleka kutsi ayekuva etangomeni, njll.
- (Naleminye imibono lenembako yemukelekile.) (2)
- 7.11 Imibono itawehluka. Labatsi siyahambisana batawesekela ngekutsi: setfulo salenoveli siveta LaMagagula ahlopheka ngenca yemphilo yasesitsenjini. Lesetfulo siyahambisana nalokwenteka kulenoveli ngobe kulenoveli kukhulunywa ngekuhamba kwaLushawulo ashiye LaMagagula, aganwe, kugcine kutsiwa LaMagagula uyatsakatsa, ashonelwe nabantfwana indvodza ingeti. Konkhe loku kuhambisana nalenhlupheko levetwe esetfulweni.
- (Naleminye imibono lenembako yemukelekile.)  
Labatsi asihambisani batawesekela. (2)
- 7.12 Lesaga sichaza kutsi imphi isuswa lite. Lushawulo wacabana nenina batondzana ngenca yemanga labekacanjwa nguTintfombi ekutsi unina uyatsakatsa, nguyelobulala bantfwana baLushawulo kube kutsakatsa yena.
- (Naleminye imibono lenembako yemukelekile.) (3)

**[25]**

**UMBUTO 8 (UMBUTO LOYINDZABAMBHALO)****KUBAMBA LETINGELAKO – DE Nkosi**

Sakhiwo sendzabambhalo kumele sivete *singeniso, umtimba nesiphetho*.

*Tigameko letifakazela kutsi indlela leya emphumelelweni imatima.*

**SINGENISO:**

Bahlolwa bachaza sihloko naloko labatawucoca ngako etindzabenimbhalo tabo lokutigameko letifakazela kutsi indlela leya emphumelelweni imatima, babhekise kuMphikeleli. Bahlolwa baveta ngalokufisha loko labatawukhuluma ngako emtimbeni wetindzabambhalo tabo.

**UMTIMBA**

Kulesigaba sendzabambhalo bahlolwa kulindzeleke kutsi bavete kabanti tigameko letimatima Mphikeleli lahlangabetana nato nekuphumelela kwakhe ekugcineni kwalenoveli:

**Bumatima baMphikeleli lahlangabetana nabo.**

- Waba nebumatima beकुतफला indzawo yekufihla inhloko, waze wasitwa nguMatsiya.
- Mphikeleli wacoshwa esikolweni.
- Wavakashelwa ngemaphoyisa atewusesha tikhali nensangu ekamelweni lakhe.
- Mphikeleli wahlaselwa licembu lelitsite ngobe litsi alenetiswa yimfundziso yetembusave layihlanyela elusheni.
- Kungati kutsi batali bakhe bagcinelaphi.
- Sigameko sekuhlanganisa belaphi baseNshonalanga nebase-Afrika sadala ludvweshu emkhatsini wakhe naSikhulu Tsabetse.
- Kwehlukana ngekwemibono emkhatsini waMagumeni naMphikeleli mayelana nekuphatsa emmangweni kwenta Tsabetse atondze Mphikeleli.
- Magumeni wafaka ummango umoya lomubi wekutsi Mphikeleli ungumchamuki.

**Kuphumelela kwakhe:**

- Ukhetfwa kutsi abe likhansela lendzawo.
- Nakacedza kufundza eVaal ukhetfwa kutsi abe yimeya.
- Ushada naKhulumile, batfola umntfwana wemfana, liyavuka likhaya lakaZwane.
- Ufola tincwadzi temaliba ebatali bakhe.
- Ekugcineni ukhetfwa kutsi abe nguSosifundzave.  
(Naleminye imibono lengakabalwa lapha).

**SIPHETFO SENDZABAMBHALO:**

Kulesigaba sendzabambhalo bahlolwa basonga konkhe lebebacoca ngako lapha ngenhla, basho nekutsi ngabe tiyabonakala nobe atibonakali tigameko letifakazela kutsi indlela leya emphumelelweni imatima kulenoveli.

**CAPHELA:** Bahlolwa kumele bacaphune tigameko letisenzabeni letesekela imibono yabo.

**BONA EMARUBHRIKI EKUMAKWA KWENDZABAMBHALO, SICHIBIYELO B na C [25]**

**UMBUTO 9 (IMIBUTO LEMIFISHA)****KUBAMBA LETINGELAKO – DE Nkosi**

- 9.1 Wazuza kuba naSosifundzave lofundze wagogodza, lokwati kwenta tonkhe tidzingo temmango lokufaka ekhatsi kubakhela tindlu, kukhutsata imfundvo yalabadzala, njll. (2)
- 9.2 Mphikeleli walelwa kutsi achubeke nesikolo ngobe kutsiwa semdzala loku kukhomba kutsi sive asati kutsi umtsetfosisekelo utsi wonkhe umntfwana unelilungelo lekufundza. (2)
- 9.3 Mphikeleli utsi akucedvwe kwehlukana, tinzawo tibitwe ngemadolobha nemasabhabhu. Nanobe kwentekile etinzaweni lekuhlalwa kuto lomuhla kodvwa kusengakabi sezingeni lelemukelekile. Tisekhona letinye tinzawo letingakantjintji/Letinye tinzawo tetsiwa ngaphandle kwekuvunyelwana, njll. (Naleminye imibono lenembako yemukelekile.) (2)
- 9.4 Imphilo yaMphikeleli beyilukhuni abuya ekudzingisweni, adla imbuya ngelutsi, angemukeleki emmangweni waseMbalenhle ngobe kutsiwa ungumchamuki. (2)
- 9.5 Lobutsatfu tikolo tibuphumelelisa ngekwenza loku lokulandzelako:
  - Kubita imihlangano yebatali.
  - Umntfwana nangabe agangile, kubitwa umtali
  - Umntfwana nangabe angenti kahle etifundvweni kubitwa umtali, njll
(Naleminye imibono lenembako yemukelekile.) (2)
- 9.6 Indlela laphatsa ngayo bantfu imveta angumlingisi longenalubandlululo/longahlutfuki lula/lobahloniphako bantfu/longenamagcubu nabo, njll. (Naleminye imibono lenembako yemukelekile.) (Kubili kwaloku.) (2)
- 9.7 Imibono itawehluka. Labavumako batawesekela ngekutsi: Sive saseNingizimu Afrika sihlanganise tihlanga letehlukene/Sinemishado yetihlanga letehlukene/tikolo tihlanganise bafundzi betihlanga letehlukene/Asinalubandlululo ngekwebuhlanga, njll. Labangavumi batawesekela labakushoko. (Naleminye imibono lenembako yemukelekile.) (2)
- 9.8 Bekangenta sicelo semfundzate/Bekangaphumelela ngemalengiso kuto tonkhe tifundvo takhe kute hulumende amuphe umfundzate wamahhala/Bekangacela kwakhelwa indzawo yekuhlala/Bekangacela kuphiwa emaphasela ekudla lakhishwa nguhulumende, njll. (Naleminye imibono lenembako yemukelekile.) (2)
- 9.9 Umphumela wekufundza wekucala ukhutsata kutsi bantfu banikane ematfuba ekukhuluma nekutsi balalelane. Magumeni akawuhloniphi lomphumela ngobe emhlanganweni wemibiko yetigodzi akazange afune kulalela labanye nabetfula imibiko bekafuna kulalelwe yena/bekafuna kungalandzelelwa luhlelo lwemhlangano lokwenta kutsi agcine angasafuni kukhuluma, njll. (Naleminye imibono lenembako yemukelekile.) (2)

- 9.10 Imibono itawehluka, ifake ekhatsi lena lelandzelako: Kungaphumeleli kwebatali nababitelwa emhlanganweni/Bantfwana labatintsandzane bangaba netinkinga nangabe kufunwa batali esikolweni/Kungabi nesicinisekiso sekutsi tincwadzisimemo tifikile emakhaya/Bantfwana labangemahlongandlebe ngeke baye emhlanganweni ngekwesabela kutsi batali batawati ngekungeva kwabo, njll. (Kubili kwaloku). (2)
- 9.11 Sikhulu Tsabetse wabita Mphikeleli wacolisa ngako konkhe lokubi lamenta kona/Wamnika tonkhe tincwadi letimayelana nekufa nekungcwatjwa kwebatali bakhe/Wamcobelela lwati lwetemmango. (Naleminye imibono lenembako yemukelekile.) (Kubili kwaloku.) (2)
- 9.12 Imibono itawehluka. Labavumelana nayo batawesekela ngekutsi: Iphatselene nemphilo nendlela bantfu labahlalisene ngayo emmangweni waseMbalenhle/ Iphatselene nebudlelwane emkhatsini wetakhamuti taseMbalenhle nemphilo yamphikeleli/Iphatselene nekwemukelana kwebantfu emimangweni njengewaseMbalenhle naMphikeleli, njll. (Naleminye imibono lenembako yemukelekile.) Labaphikisako nabo batawesekela. (3)

**[25]****SAMBA SESIGABA B: 25**

**SIGABA C: UMDLALO****UMBUTO 10 (UMBUTO LOYINDZABAMBHALO)****KWAHLWA EMINI – JJ Thwala**

Sakhiwo sendzabambhalo kumele sivete *singeniso, umtimba nesiphetfo*.

***Kuphumelela kwembhali kuveta badlali (bangiswako, imbangi nemelekeleli).***

**SINGENISO SENDZABAMBHALO:**

Bahlolwa bachaza sihloko naloko labatawucoca ngako etindzabenimbhalo tabo lekukuvetwa kwebadlali lababobangiswako, imbangi nemelekeleli. Bahlolwa balindzeleke kutsi bavete emabito ebadlali labatawubhala ngabo emtimbeni wenzabambhalo.

**UMTIMBA:**

Kulesigaba bahlolwa balindzeleke kutsi bacoce kabanti ngendlela letinhlobo tebalingisi tivetwe ngayo lokufaka ekhatsi loku lokulandzelako: Sib.

**BANGISWAKO (Makhosi)**

- Makhosi wetfulwa esetfulweni semdlalo.
- Inkinga labukene nayo yekukhetfwa kutsi abe yinkhosi emva kweyise ivetwe esetfulweni salomdlalo.
- Kubangiswa kwakhe bukhosi nguNkhanise nelicembu lemfelandzawonye ngobe ati kutsi ulitibulo kaNhlapho.
- Kuncoba kwakhe ekugcineni, njll.

**IMBANGI (Nkhanise)**

- Uvetwa esetfulweni salomdlalo.
- Uphikisana nekubekwa kwaMakhosi ngoba ati kutsi ulitibulo kaNhlapho.
- Wakha licembu leMfelandzawonye nebangani bakhe lelenta lisu lekubulala Makhosi.
- Ekugcineni emachinga akhe ayaphela, Makhosi uyasindza.

**UMELEKELELI (Sicongo nobe Sifiso)**

- Ungumngani lomkhulu lowesekela Nkhanise.
- Uba yinhlole lehamba iyewuva Makhosi sifuba ibuye itsatse tindzaba iye nato ecejini leMfelandzawonye kute kutewuhlaselwa Makhosi.
- Ute nelisu lekubulala Makhosi ngetikhali.
- Ekugcineni emachinga akhe abulele yena nalamanye emalunga elicembu labelisebentela.

(Naleminye imibono lenembako lengakabalwa lapha).

**SIPHETFO SENDZABAMBHALO**

Kulesigaba sendzabambhalo bahlolwa basonga konkhe lebebacoca ngako etindzabenimbhalo tabo, basho nekutsi ngabe umbhali uphumelele nobe akakaphumeleli kusivetela letinhlobo letingenhla tebadlali.

**CAPHELA:** Bahlolwa kumele bacaphune tigateko letisemdlalweni letesekela imibono yabo.

**BONA EMARUBHRIKI EKUMAKWA KWENDZABAMBHALO, SICHIBIYELO B na C [25]**

**UMBUTO 11 (IMIBUTO LEMIFISHA)****KWAHLWA EMINI – JJ Thwala**

- 11.1 Sengatsi kunetimfihlo letijulile batali labangafuni kutibeka ebaleni tivakale/ Kulukhuni kugubha umunfufu lomdzala ufune kutsi akutjele liciniso. (Kunye kwaloku.) (2)
- 11.2 Uyameluleka ngalesikhudla sebhukhosi lekufanele abekwe kuso/Umfisela lokuhle kodvwa kutsi emadloti abe naye, abekwe kahle esikhundleni/Ushaywa luvalo njalo ngalomsebenzi ngobe atsandza Makhosi, njll. (Naleminye imibono lenembako yemukelekile.) (Kunye kwaloku.) (2)
- 11.3 Bekafanele ngoba Mkhalelwa wantjela kutsi uyindvodzana yekucala kaNhlapho/Unina walotjolwa sive kwatsiwa nguye loyawutala inkhosana/ Utelwe waba yedvwa kabo akelanywa/Mkhalelwa wakhetsa Makhosi wamfaka luphawu lwebukhosi embikwaNkhanise. (Naleminye imibono lenembako yemukelekile.) (Kunye kwaloku.) (2)
- 11.4 Ligwalagwala liluphawu lwebukhosi njengobe naMakhosi atawube ahlonywe lona ngeMgcibelo nabekwa kutsi abe yinkhosi. (Naleminye imibono lenembako yemukelekile.) (2)
- 11.5 Bafana labasengakateki abacaphela kutsi nabateka, bangateki bafati labatetfwele imitfwalo yangaphandle njengaMkhalelwa nakateka LaJele atetfwele, lokwadala ingcabano emkhatsini waMakhosi naNkhanise babanga bukhosi. (Naleminye imibono lenembako yemukelekile.) (2)
- 11.6 Imibono itawehlukela. Labatsi kwenteka batawesekela ngekutsi emva kwekungcwatjwa kwaboNkhanise naNdloleni, kwaba nemcimbi wekubekwa kwaMakhosi lapho bekudvuma khona bayethe, kukuhle/Ngekwelisiko, umsebenzi lofana nalona ungaze uhlelwe, kubekwe nelusuku, awuhlehliswa nanobe sekufiwe. Labatsi akuzange kwenteke batawesekela ngekutsi uMgcibelo waphendvuka lusuku lwekungcwatjwa kwaNkhanise naNdloleni ngobe imicimbi lemibili beyingeke yenteke ngelilanga linye/bukhosi bakaNhlapho bebusazilile. (2)
- 11.7 Letinkhulumo titawusita Nkhanise nelicembu leMfelanzawonye kutfola kutsi Makhosi umephi ngalobukhosi kute likhone kuhlela kahle lisu labatalisebentisa kubulala Makhosi angakanaki. (Naleminye imibono lenembako yemukelekile.) (2)
- 11.8 Lesaga lesitsi imbilapho ivuna silondza sichaza kutsi bantfu bengati yinye nobe labasondzelene bayamelana. Loko umbhali ukuvete ngekusebentisa LaJele lapho aphikisa Ntfwasahlobo khona, esekela umntfwanakhe Nkhanise atsi bukhosi bakhe/Usebentise Ndloleni esekela umnakabo Nkhanise lamshiyela libele, ngalesikhatsi kwentiwa lisu lekubulala Makhosi/Usebentise LaHlatjwako lapho esekela umntfwanakhe Makhosi atsi bukhosi bakhe/Usebentise Mkhalelwa lapho anika Makhosi bukhosi nanobe sive sitsi baNkhanise, njll. (Naleminye imibono lenembako yemukelekile.) (Kunye kwaloku.) (2)

- 11.9 Imibono itawehluka. Labatsi nguSicongo batawesekela ngekutsi uyakhona kuyovakashela Makhosi, acoce naye amuve sifuba ngalakhlosile kute atewukhona kubonisa Nkhanise kutsi kufanele bamngene ngakuphi Makhosi/ Labatsi nguNdzabeni batawesekela ngekutsi uyakhona kuyewuhlala phasi naMkhalelwa amuve sifuba abuye aye nakuMakhosi naye amuve kutsi umephi kute akwati kutjela Nkhanise ngalabakucabangako.  
(Naleminyeye imibono lenembako yemukelekile.) (Kunye kwaloku.) (2)
- 11.10 Kuhola sive ngebucotfo/Kukwati kugweba emacala/Kukwati kwehlulela ngalokufanele/Kuba neliso lekusheshe ubone tintfo, njll.  
(Naleminyeye imibono lenembako yemukelekile.) (Kubili kwaloku.) (3)
- 11.11 Labatsi aliciniso batawesekela ngekutsi: Sigameko sekwakha lisu lekubulala Makhosi sibufakazi bekutsi nangabe ayinkhosi kungaba netiphitsiphitsi kuvuke nelulaka esiveni njengobe anelulaka lwekubulala Makhosi/Nangabe Nkhanise ayinkhosi, emasiko ekubekwa kwemakhosi bekatawuphela ngobe naye abekwe ngekungalandzeli emasiko, njll.  
(Naleminyeye imibono lenembako yemukelekile.) (Kunye kwaloku.)  
Labatsi awasilo liciniso batawesekela ngalokunembako lokusemdlalweni. (2)
- 11.12 Lesaga sichaza kutsi indzaba leyimfihlo ingaze ikhulunywe isheshe idvume. Indzaba yekubangwa kwebukhosi bakaNhlapho beseyifikile nasetindlebeni taLungile. (3)

**[25]**

**UMBUTO 12 (UMBUTO LOYINDZABAMBHALO)****UMVUZO – NS Nzima**

Sakhiwo sendzabambhalo kumele sivete *singeniso, umtimba nesiphetfo*.

*Kuphumelela kwembhali kuveta badlali (bangiswako, imbangi nemelekeleli).*

**SINGENISO SENDZABAMBHALO:**

Bahlolwa bachaza sihloko naloko labatawucoca ngako etindzabenimbhalo tabo lekukuvetwa kwebadlali lababobangiswako, imbangi nemelekeleli. Bahlolwa balindzeleke kutsi bavete emabito ebadlali labatawubhala ngabo emtimbeni wendzabambhalo.

**UMTIMBA:**

Kulesigaba bahlolwa balindzeleke kutsi bacoce kabanti ngendlela letinhlobo tebalingsi tivetwe ngayo lokufaka ekhatsi loku lokulandzelako: Sib.

**BANGISWAKO (Batjele)**

- Batjele uvetwe esetfulweni salomdlalo.
- Inkinga labukene nayo yekufeza liphupho lakhe lekuba nguthishelakati nayo ivetiwe esetfulweni.
- Ukhutsata wonkhe umntfwana emmangweni kutsi afundze kute bonkhe baphumelele.
- Ekugcineni uphumelela ngemalengiso etifundvweni takhe neliphupho lakhe liba yimphumelelo, njll.

**IMBANGI (Satile nobe Mlandzeli)**

- Satile uvetiwe esetfulweni semdlalo.
- Uphikisana netifiso taBatjele ngekutsi angabi nguthishelakati.
- Satile ukhombisa kungayikhatsaleli imfundvo.
- Wakhetsa kudla tidzakamiva nekuba nebangani lababi labahamba ebusuku.
- Wagcina asagula aphetfwe sifo sembulalave.
- Wagcina angakaphumeleli tifundvo telibanga lelishumi nakubili.

**UMELEKELELI (LaMbuli nobe Shabalala)**

- Ungunina waBatjele, uyamelekelela ekugcugcuteleni batali baSatile kutsi batibandzakanye ngemfundvo yemntfwanabo.
- LaMbuli wakhulumisana nebatali baSatile kutsi bayekele libhizinisi letjwala leliphazamisa Satile.
- Ugcina ngekuphumelela ngobe nemntfwana wakhe uphumelele etifundvweni takhe, njll.

(Naleminye imibono lengakabalwa lapha.)

**SIPHETFO SENDZABAMBHALO**

Kulesigaba sendzabambhalo bahlolwa basonga konkhe lebebacoca ngako lapha ngenhla, basho nekutsi ngabe umbhali uphumelele nobe akakaphumeleli kusivetela letinhlobo letingenhla tebadlali.

**CAPHELA:** Bahlolwa kumele bacaphune tigameko letisemdlalweni letesekela imibono yabo.

**BONA EMARUBHRIKI EKUMAKWA KWENDZABAMBHALO, SICHIBIYELO B na C**

**[25]**



**UMBUTO 13 (IMIBUTO LEMIFISHA)****UMVUZO – NS Nzima**

- 13.1 Ngumsebenti wekuba ngusotilwimi/ngumeluleki/ngumcondzisi/ngumcwaningi/ngumbhali, njll.  
(Naleminye imibono lenembako yemukelekile.) (Kubili kwaloku.) (2)
- 13.2 Emagama lekuvunyelenwe ngawo asuke amibono yelinyenti/Ummango uwemukela lula lamagama ngobe nawo usuke ube yincenye yekuwakhetsa/Wonkhe umuntfu uyatibandzakanya ngobe kusuke kulilungelo lakhe lekukhetsa, njll.  
(Naleminye imibono lenembako yemukelekile.) (Kubili kwaloku.) (2)
- 13.3 Imibono itawehluka. Labatsi aticali batawesekela ngekutsi: Emimangweni letiphila kuyo, bakhona bantfwana labanatsa tjwala labahamba ebusuku/labanebangani lababi/labadoja sikolo njengaye Satile, njll.  
(Naleminye imibono lenembako yemukelekile.)  
Labatsi tiyacala batawesekela ngemaphuzu lanembako lasemdlalweni. (2)
- 13.4 Sicakacaka sitfolakala lapho boBatjele, Maphahla naSakhile bayala khona Satile naMlandzeli ngekutsi bayekele imikhuba lemibi labayentako, babuke imfundvo. Isicakacaka ngobe Batjele nebangani bakhe bebazama kugucula tingcondvo taboSatile naMlandzeli kodwa bagcina behlulekile.  
(Naleminye imibono lenembako yemukelekile.) (2)
- 13.5 Umdlali lophilako uyagucugucuka ahambisane nesimo lesentekako emdlalweni. Batjele akemukeleki ngobe ungumdlali losicaba. Wati konkhe abuye aphumelele kusukela ekucaleni kuze kube sekugcineni kwalomdlalo, akagucuki.  
(Naleminye imibono lenembako yemukelekile.) (2)
- 13.6 Kuyenteka, Satile bekanesifiso sekuba ngummeli kodwa ekugcineni wangaphumeleli, wagcina sekagula asesibhedlela anesifo sembulalave.  
(Naleminye imibono lenembako yemukelekile.) (2)
- 13.7 Bothishelanhloko kufanele banike imvumo ngekwemukela tivakashi esikolweni/ Bahlole kutsi lwati loluchamuka netivakashi lunaliphi ligalelo emfundweni yebantfwana/Baphephise bantfwana kutsi bangatfoli imfundzisolite/Bacinisekise kutsi tivakashi atilwisi bantfwana/Sikolo kumele sibe nenchubomgomo lelawula kwemukelwa kwetivakashi, njll.  
(Naleminye imibono lenembako yemukelekile.) (Kubili kwaloku.) (2)
- 13.8 Lesifundvo amange simsite ngobe akazange alandzele lebekufundziswa nguShabalala, kakhulukati ngetindlela tekuvikela sifo sembulalave, nekuba nebudlelwane betelutsandvo lobuphephile, njengobe sagcina simbambile ekugcineni kwalomdlalo. (2)

- 13.9 Umphumelamcoka ufuna bafundzi bakwati kusebenta ngekubambisana nalabanye njengelilunga lelicembu nemmango ngemphumelelo. Lomphumela usita bantfwana kutsi bakwati kutimela nasebakhulile, babe baholi labakhona kubambisana nekubonisana nemmango, bahloniphe imibono yalabanye. (Naleminye imibono lenembako yemukelekile.) (2)
- 13.10 Imibono itawehluka. Labatsi ubumbene batawesekela ngekutsi: Ukhuluma ngengcikitsi yinye, imfundvo, kusukela ekucaleni kuze kube sesiphetfweni/tigaba tesakhiwo semdlalo tibumbene/tigameko letenteka emdlaweni titselelana emanti, njll. (Naleminye imibono lenembako yemukelekile.) (Kubili kwaloku.) Labatsi awukabumbani batawesekela ngalokusemdlalweni. (2)
- 13.11 Bekuludvweshu lolwabangwa kungavumelani emkhatsini waLaNgwenya naLaMbuli ngekuta kwetinyanga nabodokotela kutewufundzisa bantfwana eMkhuphukantsaba. (2)
- 13.12 Imibono itawehluka. Labatsi simfanele, batawesekela ngekutsi: Bekaphatsa sibhamu lesingekho emtsetfweni abhema nensangu. Loku kwenta kutsi agcine aboshiwe, asejele. (Naleminye imibono lenembako yemukelekile.) Labatsi asikamfaneli batawesekela ngalokwenteka emdlalweni. (3)

**SAMBA SESIGABA C: 25**  
**SAMBA SAKO KONKHE: 80**

**SIGABA A: IRUBHRIKI YEKUHLOLA INDZATJANAMBHALO YENKONDLO [10 EMAMAKI]**

<b>Timpawu</b>	<b>Emalengiso</b>	<b>Licophelo lelisetulu</b>	<b>Lokwenetisako</b>	<b>Lokusilele</b>	<b>Lokungaphumelelisi</b>
<b>LOKUCUKETFE</b>	<b>8–10</b>	<b>6–7</b>	<b>4–5</b>	<b>2–3</b>	<b>0–1</b>
Kuchazwa kwesihloko Kujula kwemibono, Kwesekela nekuvisiswa kwetheksthi  <b>7 EMAMAKI</b>	-Sihloko sichazwe ngalokujulile -Luchungechunge lwemaphuzu lababatekako ekwesekela lacashunwe enkondlweni -Luhlobo lwembhalo kanye nenkondlo kuvisiswa ngemalengiso	-Sihloko sichazwe ngelicophelo lelisetulu kukhomba kusivisa -Emaphuzu ekwesekela ayevakala kodwa akaketfulwa ngendlela lelindzelekile -Luhlobo lwembhalo kanye nenkondlo kuvisiswa ngelicophelo lelisetulu	-Sihloko sichazwe ngalokwenetisako -Akhona lamanye emaphuzu lamahle lesekela sihloko ngalokwenetisako -Leminye imibono yesekelwe kodwa esikhatsini lesinyenti bufakazi abukholweki -Luhlobo lwembhalo kanye nenkondlo kuvisiswa ngalokwenetisako	-Kuchazwa kwesihloko akwenetisi -Kulukhuni kutfolo emaphuzu lesekela sihloko -Luhlobo lwembhalo kanye nenkondlo akukavisiswa kahle	-Sihloko asikavisiswa nakancane -Akukho kucaphuna enkondlweni -Luhlobo lwembhalo kanye nenkondlo akukavisiswa nakancane
<b>SAKHIWO NELULWIMI</b>	-Sakhiwo lesibumbene ngemalengiso -Imibono yakhiwe yahleleka ngalokucace ngemalengiso -Lulwimi, umoya nesitayela kuvutsiwe futsi akunamaphutsa -Emaphutsa eluhlelo, sipelingi netimpawu tekufundza kuyindlala	-Sakhiwo lesicacile lesinemibono lehleleke ngelicophelo lelisetulu -Imibono letfuliwe iyalandzeleka -Kunemaphutsa lambalwa elulwimi, umoya nesitayela	-Bukhona bufakazi lobutsite besakhiwo -Kubumbana nekuhleleka kwemibono kuyenetisa -Lulwimi lunemaphutsa langasho lutfo; umoya nesitayela kuyenetisa	-Sakhiwo sikhomba emaphutsa ekuhlela -Imibono ayikahleleki ngalokubumbene -Lulwimi lunemaphutsa lamanyenti -Umoya nesitayela akukemukeleki	-Sakhiwo lesingemukeleki nakancane -Imibono ihlangahlangene -Lulwimi lolunemaphutsa lamanyenti nesitayela lesingemukeleki -Umoya nesitayela akwemukeleki nakancane
<b>KWEHLUKA KWEMAMAKI</b>	<b>8–10</b>	<b>6–7</b>	<b>4–5</b>	<b>2–3</b>	<b>0–1</b>

**SIGABA B NA-C: IRUBHRIKI YEKUHLOLA INDZABAMBHALO – YENOVELI NEMDLALO [25 EMAMAKI]**

<b>Timpawu</b>	<b>Emalengiso</b>	<b>Licophelo lelisetulu</b>	<b>Lokwenetisako</b>	<b>Lokusilele</b>	<b>Lokungaphumelelisi</b>
<b>LOKUCUKETWE</b>	<b>12–15</b>	<b>9–11</b>	<b>6–8</b>	<b>4–5</b>	<b>0–3</b>
Kuchazwa kwesihloko Kujula kwemibono, Kwesekelwa nekuvisiswa kwetheksthi  <b>15 EMAMAKI</b>	-Imphendvulo leneminingwane lengemalengiso lababatekako: 14–15 Imphendvulo leneminingwane lengemalengiso langababateki: 12–13 -Sihloko sichazwe ngalokujulile -Luchungechunge lwemaphuzu lababatekako ekwesekela lacashunwe etheksthini -Luhlobo lwembhalo kanye netheksthi kuvisiswe ngemalengiso	-Imphendvulo leneminingwane lesecophelweni lelisetulu -Sihloko sichazwe ngelicophelo lelisetulu kukhomba kusivisa -Lamanye emaphuzu ekwesekela ayevakala kodvwa akaketfulwa ngendlela lelindzelekile -Luhlobo lwembhalo kanye netheksthi kuvisiswa ngelicophelo lelisetulu	-Sihloko sichazwe ngalokwenetisako kodvwa akusito tonkhe tinhlangotsi leticikelelwe ngalokuphelele -Akhona lamanye emaphuzu lamahle lesesekela sihloko ngalokwenetisako -Lamanye emaphuzu esekelwe kodvwa esikhatsini lesinyenti bufakazi abukholweki -Kukhona lokusilele ekuvisiseni luhlobo lwembhalo kanye netheksthi	-Sihloko sichazwe ngekunyanyalata ngaphandle kweminingwane lesekelako -Ambalwa kakhulu emaphuzu lafanele kwesekela sihloko -Kuncane kakhulu kuvisiswa kweluhlobo lwembhalo netheksthi	-Kuncane kakhulu kuvisiswa kwesihloko -Mncane kakhulu umzamo wekuphendvula umbuto -Imibono ayikholweki -Luhlobo lwembhalo kanye netheksthi akukavisiswa nakancane
<b>SAKHIWO NELULWIMI</b>	<b>8–10</b>	<b>6–7</b>	<b>4–5</b>	<b>2–3</b>	<b>0–1</b>
Sakhiwo, Kuhleleka nekwetfula Kusetjentiswa kwelulwimi, umoya, nesitayela  <b>10 EMAMAKI</b>	-Sakhiwo lesibumbene -Singeniso nesiphetho lesingemalengiso -Imibono yakhiwe yahleleka ngemalengiso -Lulwimi, umoya nesitayela kuvutsiwe futsi akunamaphutsa	-Sakhiwo lesicacile lesinemibono lehleleke ngelicophelo lelisetulu -Singeniso nesiphetho kanye naletinye tindzima kuhleleke ngalokubumbene -Imibono ihleleke ngelicophelo lelisetulu -Kunemaphutsa lambalwa elulwimi, umoya nesitayela	-Bukhona bufakazi lobutsite besakhiwo -Kuhleleka nekubumbana -Kuhleleka nekubumbana kwemubono kuyenetisa kodvwa kunemaphutsa -Lulwimi lunemaphutsa lambalwa; umoya nesitayela kuyenetisa Kuhleleka kwetindzima kuyenetisa	-Sakhiwo sikhomba emaphutsa ekuhleleka -Imibono ayikahleleki ngalokubumbene -Lulwimi lunemaphutsa lamanyenti -Umoya nesitayela akwemukeleki Kuhleleka kwetindzima kunemaphutsa	-Kungahleleki kahle kwesakhiwo kukhinyabeta kubumbana kwemibono -Emaphutsa elulwimi nesitayela lesingakemukeleki kwenta lombhalo ungabi yimphumelelo -Umoya nesitayela akwemukeleki -Tindzima tihlangahlangene
<b>KWEHLUKA KWEMAMAKI</b>	<b>20–25</b>	<b>15–19</b>	<b>10–14</b>	<b>5–9</b>	<b>0–4</b>